



GIPUZKOA



ETA EUROPAR BATASUNA

157. INFORMAZIO BULETINA

> 2020ko uztaila - abuztua



Fondo Europeo de
Desarrollo Regional (FEDER)
"Una manera de hacer Europa"

Eskualde Garapenerako
Europar Funtza (EGEF)
"Europa egiteko modu bat"

GIPUZKOA



NABARMENDU BEHARREKOA

> **Uztaileko Europako Kontseilu historikoaren ondorioak, Europako Batzordeak maiatzean iragarritako Next Generation EU berreskuratze-tresnaren inguruan**

Europako Batzordeak maiatzaren amaieran aurkeztu zuen Europa berreskuratzeko planaren proposamena, eta, neurri handi batean, estatu kideek uztailaren amaieran onartu zuten, hainbat aldaketa eta baldintzarekin.

33 ondorio nagusi zituen dokumentu bat eratu zen, eta lehenengo 21ak Next Generation EU berreskuratze-funtsaren oinarriak izan ziren, eta gainerakoak, gehienak urte anitzeko finantza-esparruari buruzkoak (2021-2027).

NextGEUk EBren aurrekontuaren % 70 inguruko tamaina izango du (gehigarria) 2021etik 2027ra bitarteko 7 urteetarako; aurrekontu arrunta ez bezala, finantza-merkatuen maileguen bidez finantzatuko da, eta ez nagusiki estatuen bidez; eta beste ezberdintasun nagusia da, aurrekaririk gabeko zenbatekoa izan arren, bere denbora-esparrua soilik 3 urtekoa izango dela hasiera batean (2021-23).

Hau da Kontseiluak NextGEUri buruz ateratako 21 ondorioen laburpena.

1. Berreskuratze-planaren beharrari eta salbuespenari buruzko akordioa, Covid-19ren aurrean.
2. Inbertsio pribatu eta publiko masiboaren beharrari eta NGEU sortzeari buruzko akordioa.
3. Batzordeari baimena ematea finantza-merkatuetan baliabideak maileguan hartzeko.
4. Txoke-plana denboran, eremuan eta dimentsioan mugatzeko erabakia.
5. Zenbatekoa finkatzea: 750.000 milioi euro (0,75 bilioi), 2020tik 2026ra bitarteko zorpetzean.
6. Mailegu-formatuaren (0,36 bilioi) eta zuzeneko diru-laguntzen formatuaren (0,39 bilioi) arteko banaketako maximoak.
7. Mailegua itzultzeko data: 2058. urtea, gehienez, eta ahalik eta azkarren.
8. Mailegua itzultzeko urteko gehienekoa, 29.250 milioi euro.



9. Estatuaren ekarpen-muga (BPGren % 1,4) % 2ra igotzea, helburua NextGEUren mailegua merkatuei itzultzea denean.
10. Arrazoiak argitzeari buruzko erabakia, estatuei bakoitzaren proportzionala baino ekarpen handiagoa eskatzen zaienean, eta estatuei sabai berezi horiek eskatu aurretik agortu beharreko metodoei buruzkoa.
11. Diru-laguntzei eskainitako zatiaren kontrol politikoari eta ezohiko izaerari buruzkoa.
12. Inbertsio-proiektuen premia, batez ere azpiegiturretan, urria baino lehen proposatzekoa.
13. NGEU bidez finantzatutako ekimenen denbora-muga: 2023ko amaiera, eta ordainketena, 2026ko amaiera.
14. NGEU jasotzen duten azpiprogramen zenbatekoak. Guztira 750.000 milioi euro (0,75 bilioi).
- A. Berreskuratze- eta erresilientzia-tresna (RRF ingelesez), 0,36 bilioi mailegutun, 0,39 laguntzetan
 - B. Berehalako erreakzioaren ReactEU programari, 47.500 milioi
 - C. Horizon, I+G+b, 5.000 milioi
 - D. InvestEU, inbertsioa, 5.600 milioi
 - E. Landa-garapena, 7.500 milioi
 - F. Bidezko Trantsizioarako Funtza (klima-aldaketara egokitzea): 10.000 milioi
 - G. RescEU, larrialdiak, 1.900 milioi
15. RRFaren laguntzen egozpena: % 70 2021era arte eta 2022, % 30 2021etik 2023ra bitartean. Eta maileguen maximoa, estatu bakoitzeko BPGren % 6,8.
16. Banaketa-irizpidea: 2020an eta 2021ean izandako BPGren galerak, herrialdeka.
17. Aurrerakinen ehunekoa (% 10) eta ordaintzeko unea (2021).
18. 2021-23rako berreskuratze estatu-planak idaztea.
19. Estatu planak aztertze prozesua, Kontseiluaren eta Batzordearen rola, trantsizio berde eta digitalaren gaineko baldintzatzaileak. Planak ez balidatzeko kasuan erabili beharreko metodoa.
20. Salbuespenezko gehikuntzak, sektore eta herrialde jakin batzuen arabera



21. % 30eko irizpidea klimari eta 2050erako klima-neutraltasunari lotutako inbertsioetarako NGEUren barne, eta Parisko akordioa betetzerakoak direnak.

(+ informazioa – NextGEU maiatza aurkeztea)

(+ informazioa – Uztaileko Kontseiluaren ondorioak)



> **Foru Aldundiak Next Generation funts europarrerako egokitu ditu bere proiektu estrategikoak, eta beste berri batzuk baloratu ditu, hala nola "susperraldi berdearekin" lotutakoak**

Aldundiak proiektu estrategikoak indartu eta egokitzeko lanean dihardu, egitasmoak Europako Berreskuratze Funtsera aurkeztu asmoz.

Eraldaketa berde eta digitala krisitik ateratzen lagunduko duen «eragile gehigarri» gisa identifikatu da, «palanka» gisa, enplegua eta jarduera ekonomikoa bultzatzeko «trantsizio sozial, ekologiko eta digitalen inguruan».

Markel Olano diputatu nagusiak berretsi du «Europar desberdintasun maila txikiak dituen erkidegoa» izateko lehentasuna «inoiz baino beharrezkoagoa dela gaur egun ere», gure zeruertzean ikusten diren «hodei ilunen» aurrean: BPGaren beherakada, langabezia handitzea, fakturazioa eta salmentak murriztea, eta pobrezia jasateko arriskuan dauden pertsonen kopurua handitzea.

Foru erakundea dagoeneko lanean ari da egitasmo horiek "indartzeko eta egokitzeko", Europar Batasunak abiarazitako Next Generation funtsera aurkeztu ahal izateko. "Zorpetzeko aukera hori eskatzen ari garen moduan, funts berri honek finantziario aukerak berriak zabaltzen ditu eta horiek probesten saiatuko gara", osatu du Olanok.

Proiektu estrategikoei dagokienez, beste erakunde maila batzuetako funtsak eta proiektuak eskuratzeko «aukerak» aipatzen dira, Next Generation EU edo Green Deal – Green Recovery binomio berdea berreskuratze tresnaren bidez, eta kontu publikoen iraunkortasuna indartzen laguntzen duten eredu alternatiboen alde eginez.

(informazio +)



> Foru Aldundiak elikagaien xahutzeari buruzko EBren estrategia goraipatu du, Basque Culinary Center-en eskutik xede horrekin bultzatutako proiektu eredu bat aurkeztean

Proiektu honetarako Aldundiaren eta BCCren aurkezpenarekin batera, honako hau adierazi zen: "Europar Batasunak baliabideak modu efizienteagoan eta jasangarriagoan erabiltzea eskatzen du. Proposatzen dituen neurrien artean, bereziki azpimarratzen du elikagaien alferrik galtzea murrizteko eta elikagaien segurtasuna indartzeko neurriak hartzea. Horretarako, baliabideen eraginkortasunari buruzko ekimena onartu du, non jangarriak alferrik ez galtzeko neurriak proposatzen diren. "

Jose Ignacio Asensio Ingurumen diputatuak eta Joxe Mari Aizega Basque Culinary Center fundazioko zuzendari nagusiak etxeetan sortzen diren elikagaien galerak murrizteko proiektu berri bat garatzeko hitzarmena sinatu dute. Horretarako, plataforma informatiko baten bidez, herritarrei inkesta bat egitea aurreikusi da, bazterketarik ohikoenak identifikatzeko.

Ondoren, eta lortutako informazio hori oinarri hartuta, sukaldari-talde batek elikagai-taldeak aztertuko ditu, eta garapen gastronomikoak asmatuko ditu, elikagai-baliabide berberak erabiliz. Horretarako, Gipuzkoako Foru Aldundiko Ingurumen Sailak 10.000 euro jarriko ditu.

(informazio +)



> **Aldundiak jakinarazi du CIT Astigarraga- Oiartzun Garraio Zentro Integralean egindako inbertsioek Europako estandarren "urrezko maila" lortzea ahalbidetzen dutela**

Astigarraga- Oiartzun garraio zentro integralak ere lizitazio bat eta bi esleipen izan ditu. Argi berdea eman zaio Astigarraga eta Oiartzungo plataformen CIT gainegituraren lizitazioari, 5.054.000 €-ko aurrekontuarekin eta 8 hilabeteko egikaritze-epearekin. Lizitazio honek barne hartzen du bi aparkalekueremuen perimetroa ixtea, eskaladaren aurkako hesiarekin, kanalizazioekin, segurtasun-sistemekin, bideozaintzako instalazioekin, suteen aurkako sistemekin (megafoniarako sarea, komunikazioak eta wifia). Oiartzungo aparkalekurako sarbideak kontrolatzeko eraikina eta talde elektrogenoentzako eraikinak egitea ere aurreikusten du.

Europako estandarren barruan "urre" mailaren sailkapena lortzea ahalbidetzen duten inbertsioak dira.

Uda honetan, halaber, Aldundiak prentsaurreko batean azpimarratu du bidesariei buruzko Europako zuzentarauari jarraitzen diola, horrek salgaien trafikoari soilik aplikatzen zaizkiola adierazten duen kasuetan. Bide Azpiegituretako diputatuak alderdi hori gogorarazi du N-1 errepidean berrikuntzak aurkeztu dituelako; izan ere, errepide horrek azken urteotan bidesaria du trafiko mota horretarako.

(informazio + - CIT)

(informazio + - ordainsariak)



> Aldundiak NBEaren aitzindari den Nazioen Elkarteak Donostian - eremu neutralean- egindako lehen bileraren mendeurrena ospatu zuen, estatu partehartzaileen ordezkariekin, eta erakusketa historiko batekin

Neutraltasunaren aipamena Lehen Mundu Gerran Estatu espainiarra neutrala izan zelako da.

1920ko uda hartan, Donostian, 8 herrialdek Nazioen Elkartearen Batzar Nagusia prestatu zuten, azaroan Genevan izango zena. Gaur egun Hagako Auzitegia denaren sorrerari buruz luze hitz egin zen.

1918 eta 1925 artean Donostia bere nazioarteko ospearen gailurrera iritsi zen; 1925ean Nazioen Elkartearen beste bilera bat izan zen, kasu honetan Higiene Batzordearena.

1920ko bileran, Ahalduen Nagusiak, Kanpo Arazoetako ministroak eta Kultura diputatuak adierazpenak egin zituzten, hainbat ikuspuntutatik, bilera hartako eredutzat hartu behar dugun espirituari buruz.

(informazio +)



> Europako Batzordeak UPV/EHuren Europako Unibertsitatearen proiektua babestu du, Enlight nazioarteko partzuergoaren "Supercampusa", Erasmus + eta Horizon 2020 programetako funtsekin

Europako Batzordeak ENLIGHT unibertsitateen sareak aurkeztutako proiektua hautatu du Erasmus + deialdian; deialdiaren parte dira Euskal Herriko Unibertsitatea eta Europako beste hainbat herrialdetako zortzi unibertsitate.

ENLIGHT proiektua, Universidad del País Vasco/Euskal Herriko Unibertsitateak parte hartzen duen Europako unibertsitatearen proiektua, Erasmus + programaren bigarren deialdian hautatu dute. Proiektuak 120 milioi euroko zuzkidura du, eta hautatutako proiektu bakoitzari 5 milioi euroko aurrekontua esleitzen dio, datozen 3 urteetan inbertitu beharreko aurrekontua.

287 milioi euroko aurrekontua dago Europako 41 unibertsitatetarako. Estatu kide guztietako eta horietatik kanpoko goi-mailako 280 erakundek hartuko dute parte. Aliantza bakoitzak, hiru urtez, 5 milioi euro jasotzen ditu Erasmus+ programatik eta 2 milioi euro Horizonte 2020tik, bere planak gauzatzen hasteko.

UPV/EHuren errektore Nekane Balluerkaren iritziz: "duela urtebete baino gutxiago sortutako unibertsitate partzuergo honek bete-betean asmatu du bere eginkizunean, gaur berretsi ahal izan den bezala. Batzordeak Europako Unibertsitatearen gure eredua aitortzeak aukera handiak eskaintzen ditu gure irakaskuntzaren, gure ikerketaren eta gure transferentziaren lankidetzak akademikoa eta proiektuak egin ahal izateko. Ikasleei dagokienez, ENLIGHT proiektuak, besteak beste, erronketan oinarritutako ikaskuntza ibilbide malguak, nazioarteko eta tokiko hainbat eragilerekin etengabeko elkarlanean eta nazioarteko mugikortasun modu berriak bultzatuko ditu. Laster, ekimen zehatzak abian jarriko direla iragarri ahal izango dugu, aliantza honetan inplikaturako bederatzi unibertsitateen elkarlanaren ondorioz".

(informazio +)



> **Europako Teknologia Institutuko EIT Food sailak "Salvacomidas" bultzatu du Gipuzkoako haurrentzat, elikagai bankuekin eta beste laguntzaileekin, hala nola Ausolan, Aguinaga, Okin edo Alkorta, eta Bizkaiko eta Madrilgo hainbatekin**

Ekimenak haurrentzako banakako 60.000 bazkari edo afari osasungarri inguru prestatu zituen, pandemiaren testuinguruan kolokan ziren familiei begira, eta hauekin batera ere, hezkuntza eta aisialdizko edukiak. 2020ko udaberri eta uda artean garatu zen Gipuzkoan, Bizkaian eta Madrilan, hiru lurraldeetako erakunde laguntzaileekin, nahiz eta nekazaritzako elikagaien sektore osoko erakundeei irekita zegoen.

EIT Food sailaren Hegoaldeko Dibisioak parte hartzen zuen, elikaduraren arlorako, Europako Teknologia Institutuak sortutakoak hain zuzen ere. Bestalde, Ausolanek, menuak prestatzen eta banatzen dituen Mondragon Korporazioko kooperatiba beteranoak, Los Salvacomidas ekimenekoak banatzen zituen lurralde ezberdinetako elikagaien bankuen bidez. Gipuzkoako Elikagai Bankuak Oartzunen eta Bergaran daude.

Banku horiek lankidetzan aritu ziren familia onuradunekin harremanetan jarritz beren GKEen sarearen bidez. Elikadura-praktika eta -irizpide onenak ez ezik, hezkuntza eta aisialdientzako opariak ere eskaintzen ziren, baita Salvacomidas.com webgune berriaren bidez ere.

Hori guztia NBERen Garapen Jasangarriko Helburuen barruko 2. (Zero Gosea) eta 12. (kontsumo eta ekoizpen arduratsua) helburuekin lerrokatu zen.

Besteak beste, Bacalaos Alkorta, Okin eta Angulas Aguinaga – Gipuzkoakoak aipatzearen – laguntzaileen soberakinak aprobetxatuz, elikagaiak xahutzearen aurka lan egiten zen.

(informazio +)



KOHESIO POLITIKA

> Eibar-Maltzaga bidegorriak, EGEFen 2014-2020 Euskadiko Programa Eragileak kofinantzatutakoak, irailean irekiko du bere lehen zatia eta abenduan osatuko da

Epe horiek foru eta udal ordezkariak lan eremura egindako bisitaren testuinguruan iragarri ziren, uztailaren amaieran.

Zatika irekitzeko, 4 pasabide jarri behar dira pixkanaka, gainerako azpiegiturak eta Deba ibaia gainditzeko. 2021tik aurrera, herritarrek lotura bikaina izango dute Eibar eta Elgoibar artean, eta ez da beharrezkoa izango trenbide edo autobidea erabiltzea.

Rafaela Romero Mugikortasun diputatuak Debabarrenan hain zaila eta aldi berean hain esperotakoa den obra baten egokitapena eta eraginkortasuna goraiatu ditu.

Jarduera hori Eskualde Garapenerako Europako Funtsak finantzatzen du, Euskal Autonomia Erkidegoko 2014-2020 aldirako EGEF Programa Operatiboaren esparruan.

(informazio +)



> Donostiako Udalak giza baliabide eta ahalmen berriak garatu ditu kultura aniztasunaren arloan, Europako Kontseiluaren "kulturarteko Hiriak" programaren eskutik, eta Bilbo, Castelló edo Teneriferekin batera

Donostia eta beste hiri horiek, baita Tenerife uharteko kabildoa ere, uda honetan hasi dira elkarlanean, balio hori beren erakundeetan txertatzeko, aipatutako programaren esparruan. Horrela, funtzionarioek kulturartekotasunari eta hura ezarriko duten proiektuak sortzeko buruzko eskumenak garatuko dituzte.

Lehenengo fasea teorikoa eta indibidualagoa izango da, eta bigarren modulua praktikoagoa eta parte-hartze kolektibokoa. Hirugarren fasean, tokiko erakunde horien langileriarentzako eskuliburu bat sortuko da. Eskuliburu horrek sektore pribatuko hainbat eskumen-eremu eta azpisektore jorratuko ditu, erakunde horiek beren proiektuetan kide bezala izan ohi dituztenak hain zuzen ere.

Hori guztiaren xedea da, Hiri Kultur-anitzen Espainiako Sareak (Reci) 2020rako bere urteko esku-hartze planean planteatutako beharrari erantzutea, baina halere hau ez da berria, erakunde horien arteko elkarlanerako 8 urteko oinarria dago eta.

Europako Kontseilua horrelako ekimenak garatzen ari da, baita Ukraina edo Australia bezalako lurralde urrunetan ere.

(+ *información*)



> EJaren Hazitek programak, EGEF funtsaren %50 kofinantziazioarekin, fabrikazio aurreratua bultzatzen du, hala nola Haritive proiektu amaitu berri eta sarituarena, gipuzkoar partaidetza handia izan duena

Proiektuak 2017tik 2020ra bitartean iraun du, balio handiko materialekin egindako pieza handietan zentratuta, eskakizun handiko sektoreetarako (hegazkinak, itsasontziak, tresnak eta moldeak...).

Proiektu estrategiko hori 2017an Hazitek programari atxiki zitzaion, Eusko Jaurlaritzak SPRIren bidez sustatua, eta Euskadiko 2014-2020 EGEF Programa Operatiboaren barruan kofinantzatu zen.

Addilan izan da buru, eta, lan horri esker, Fabrikazio Aurreratuaren eta Digitalaren Berrikuntzaren Saria jaso du. AFM Makina Erremintaren Klusterrak eman dio saria, egoitza Donostian duenak eta, aldi berean, azpisektoreko estatuko klusterra (Addimat) zuzentzen duenak. Klusterraren I+G unitateak (Invema) ere Gipuzkoako hiriburuan du egoitza eta partehartzaile izan da.

Partzuergoko enpresen artean Gipuzkoako hainbat daude, hala nola Lagun Machine Tools, Sariki, Izar Cutting Tools, TTT Taldea edo Amondarain.

Parte hartzen duten erakunde teknologikoak, hala nola Tecnalia, Lortek edo Mondragon Unibertsitatea, gure lurraldean ere badute egoitza.

Nukleoa WAAM edo arku elektrikoaren manufaktura gehigarriaren ingurukoa zen.

Proiektua arrakastatsua izan da, ohikoa baino efizientzia gehigarri handiagoarekin, eta berehala merkaturatu dira makinak.

(informazio +)



> **Koronabirusa: Europako Batzordeak deialdi bat jarri du abian EBko eskualdeen artean elkarteak ezartzeko, susperraldirako erantzun berritzaileak bilatzeko**

Europako Batzordeak interes-adierazpenetarako deialdi bat jarri du abian, eskualdeen arteko berrikuntza-proiektuak gidatuko dituzten elkarte tematikoak ezartzeko, koronabirusak eragindako pandemiaren ondoren erantzuna eta susperraldia babesteko. Deialdiaren helburua da eskualdeei laguntzea krisialditik sortzen diren aukerak aprobetxatzen, erresilientzia indartzen eta eraldaketa digitala eta ekologikoa garatzen, sektore kaltetuenak berreskuratzen, hala nola osasuna eta turismoa.

Deialdi honen esparruan, Europako Batzordeak interes-adierazpenak bilatzen ditu eskualdeetako agintarien nazioz gaindiko elkarten eta beste alderdi interesdun batzuen artean (unibertsitateak, ikerketa-zentroak, klusterrak eta ETEak, esaterako), baldin eta prest badaude berrikuntzaren arloko eskualdeen arteko proiektuak merkaturatzen eta hedatzen laguntzeko eta enpresa-inbertsioa sustatzeko.

(informazio +)



EUROPA 2020 ESTRATEGIA

> **Foru Aldundiak ekintzailetzari laguntzeko 2020 programa abiarazi du, 1,5 milioi euroekin, eta bere azpiprogramek EGEFen eta EGIFen Euskadirako 2014-2020 Programa Eragilearen funtsak jaso ahal izango dituzte**

Uztailaren 10ean GAO-n argitaratu ziren laguntza orokorrerako oinarriak (Txekin), emakumeek sustatutako enpresentzakoak (Emekin) eta berrikuntza eta teknologiako startupetarakoak (Txekintek Barnetekin).

Emekin, Txekin bezala, % 50ean finantzatu ahal izango da Europako Gizarte Funtsaren Euskal Autonomia Erkidegorako 2014-2020 Programa Eragilearen esparruan.

Txekintek antzeko finantzaketa lortu ahal izango du Eskualde Garapenerako Europako Funtsaren (EGEFen) Plan Eragilearen esparruan.

(informazio +)



> **EBaren Horizon 2020 programak 13 milioi eskaini ditu Iceberg proiekturako, Europako 35 erakundek lau urtez eraikinen hondakinen berrerabilpenaren berrikuntzak garatu ditzaten**

Proiektuak lau urte iraungo du eta 15.667.498 euroko aurrekontua izango du. Diru horretatik 12.997.935 euro Europar Batasunaren Ikerketa eta Berrikuntza 2020 Esparru Programak ordainduko ditu. EAEko sei erakundek parte hartuko dute programa horretan: Ihobe, Eusko Jaurlaritzako Ingurumen Jarduketarako Sozietate Publikoak, TECNALIA Research & Innovation Fundazioak (partzuergoko koordinatzailea), GAIKER zentro teknologikoak eta Serikat, Lezama Demoliciones eta Viuda de Sainz enpresek. Eraikuntzako eta eraispenerako hondakin ohikoenak erabiliz gaitasun handiko materialak ekoizteko irtenbide berritzaileak ematea da helburua, ekonomia zirkularrean oinarrituta.

Europako hamar herrialdeetako 35 erakunde publiko eta pribatuk parte hartuko dute ICEBERG proiektuan (Innovative Circular Economy Based solutions demonstrating the Efficient recovery of valuable material Resources from the Generation of representative End-of-Life building materials). Proiektu hori Europar Batasunaren Ikerketa eta Berrikuntza 2020 Esparru Programak finantzatuko du (869336 kontratuaren arabera) eta helburu nagusia eraikuntzako eta eraispenerako hondakin ohikoenak birziklatu eta berrerabiltzea da.

Berrerabiltzeko sistema eta teknologia berritzaileak diseinatu, garatu eta balidatzea da proiektuaren helburua, horiei esker balio handiko material berreskuratu fidagarriak ekoitzi ahal izateko (ezpurutasun baxukoak, % 8 baino gutxiago). Material hori industria mailan balidatzeko, sei ikerketa-kasu egingo dira Europako zenbait tokitan. Modu horretan honako material hauen berrerabilpena aztertuko da: hormigoia, egurra, igeltsua, apar isolatzaileak eta material superisolatzaileak.

(informazio +)



> 2014an hasi zenetik, 371 euskal erakundek izan dute Horizon 2020ren laguntza: Europako berrikuntza-funts horren ia 700 milioi guztira

Euskadi da nanoteknologia eta bioteknologia arloetan Horizontea 2020 programaren dirulaguntza handiena lortu duen erkidegoa

371 euskal erakundek eskuratu dituzte Europako berrikuntza funtsaren (Horizontea 2020) ia 700 milioi euroko dirulaguntzak. Gainera, Euskadi izan da nanoteknologien, materialen, bioteknologiaren eta ekoizpenaren (NMBP) sektoreetan dirulaguntza bolumen handiena eskuratu duen Espainiako erkidegoa, eta horrek argi erakusten du Euskadik berrikuntzan eginiko ahalegina.

Horrez gain, Euskadi hirugarren postuan dago -Katalunia eta Madrilen atzetik-, Zientzia eta Berrikuntza Ministerioak argitaratutako behin-behineko emaitzen arabera, zeintzuen bidez neurtzen baita Espainiak 2014-2019 urteetan Europar Batasunaren I+G+B Programa Markoan izandako parte-hartzea.

Programa ixteko 2020ko datuak txertatzea bakarrik falta den honetan, orain arte eskuratutako emaitzek (2014 – 2019) diote Espainia dela dirulaguntza bolumen handiena jaso duen laugarren herrialdea, Alemaniaren, Erresuma Batuen eta Frantziaren atzetik, eta VII. Programa Markoaren kotak gainditu dituela, bai zenbateko osoari dagokionez, eta bai posizioari eta itzulerari dagokionez.

Espainiako dirulaguntzaren lurralde mailako banaketari dagokionez, EAE hirugarren postuan kokatu da (% 14,5) Kataluniaren (% 28,3) eta Madrilen (% 25,6) atzetik. Euskadi lehen postuan dago nanoteknologien, materialen, bioteknologiaren eta ekoizpenaren (NMBP) sektoreetako itzuleraren adierazlean; aldiz, bigarren postuan gelditu da Energia seguru, garbi eta eraginkorraren (ENE) eta garraio adimendun, ekologiko eta integratuaren (TRS) adierazlean.

Momentuz, 371 euskal erakundek (294 enpresa, horietatik % 78a ETEak) parte hartu dute Europako programa horretako I+G+B-ko 1.091 jardueratan, eta 689,9 milioi euroko itzulera lortu dute. Emaitzak bikainak dira, kontuan izanik oso programa lehiakorra dela eta oso arrakasta-tasa txikia duela.

Era berean, aipagarria da TecNALIA Research and Innovation Fundazioak nazio mailako bigarren postua lortu duela, I+G+B-ko 276 jardueratan parte hartu duelako, horietatik 55etan koordinatzaile gisa. Hain zuzen, bera da proiektu gehien lideratu dituen erakundea.

(informazio +)



> Bost enpresak makinak sortu ditu Gipuzkoan, Europako Espazio Agentziaren suziri aeroespazial berrietan motorrak babesteko kanpaiak eraikitzeko, Hazitek, Eusko Jaurlaritza eta EGEFen laguntzarekin

Bost Machine Toolsek Europako kohete berrien garapen programan parte hartu du, euskal enpresa honek sortutako makinaren bidez, hain zuzen ere. Ariane 6 Europako Espazio Agentziaren (ESA, ingeleseko siglengatik ezagututa) motorrak babesteko dituzten karbono-zuntzezko kanpaiak eraikitzeko erabiliko dira makina horiek.

Kohete belaunaldi berri honen lehen espazio-jaurtiketa 2021aren amaierarako aurreikusita dago, eta, hori lortzeko, Bost enpresak makineria berria sortu du, sektore aeroespazialak eskatzen dituen ezaugarri zorrotzak betetzen dituen. Aurrerapenak Fusée proiektuaren parte dira, Eusko Jaurlaritzako Hazitek programaren barruan eta Europako FEDER diru-laguntzekin elkarlanean.

Proiektuak konpositeen eta karbono-zuntzarekin sortutako egiturazko piezak mekanizatzea lortuko duten teknologien aurrerapenean zentratu da. Tornu bertikalaren kontzeptuan oinarritutako bi mekanizazio-zentro dira, eta hainbat funtzio dituzte. Makinek suziri aeroespazialaren motorrak babesteko dituzten kanpaiak sortzen dituzte: "Tolerantzia handiko piezak dira, eta Bost makinaren birtuterik garrantzitsuenak pieza hauek "set-up" batean bukatzeko kapazitatea da", azaldu dute proiektuaren arduradunek. Emaita horiek lortzeko, "proiektu honetan oinarri oso garrantzitsua Bost eta bezeroaren artean egindako taldekako lana izan da".

Proiektu honen emaitza "zehaztasun eta dinamika paregabeak dituen" makineria sortzea izan da. Baina, gainera, karbono-zuntza mekanizatzean sortzen den hautsa xurgatzeko berrikuntzak egin dira. Hauts hori oso arriskutsua da langileentzat, eta makinetan ere kaltegarria izan ahal da. Kasu honetan, xurgatzea bi metodo desberdinen bidez egiten da: xurgatze lokala, makinaren ondoan, eta orokorra, xurgatze-puntuak lan-bolumen osoan dituenak. "Esfortzu handiak egin dira langileen osasuna babesteko helburu oso garrantzitsuan. Eta, beste aldetik, makina bera karbono hautsetik babesteko presurizazio injenieritza handia garatu da, puntu zehatzetan makinak inongo arazorik ez izateko", aditzera eman dute Bosteko arduradunek.

(informazio +)



> EIC-aren Europako Berrikuntzako gune bizkortzaileak Europa osoko enpresa berritzaileenak hautatu zituen, eta Somaprobes gonbidatu zuen adibide gisa

Uztailaren 14an jardunaldi birtual batean azaldu zen nola aurkeztu proiektuak arrakastaz, EIC (Europako Ikerketa Kontseiluaren) Berrikuntzako Europako azeleratzailearen finantzaketa lortzeko Zuma Innovation eta Somaprobes enpresa txiki eta ertainekin batera. EIC Europako Berrikuntza Azeleratzaileak European berrikuntza eta I+G bultzatzen duen tresna izarretako bat da. 2014tik, 81 euskal enpresek 39 milioi euroko finantzaketa lortu dute EIC Berrikuntza Azeleratzailearen eta haren aurreko "ETE Tresna" programaren eskutik.

Berrikuntza disruptiboko euskal enpresa txiki eta ertainek (ETE) EIC Europako Berrikuntza Azeleratzaileak eskaintzen dituen finantzaketa eta aukerak balia ditzakete. Berrikuntzako Europako Kontseiluak bultzatzen du azeleratzaile hori. Tresna horrek enpresa txiki eta ertainen (ETE) berrikuntza disruptiboa babesten du, finantzaketaren bidez eta lehen mailako adituen aholkularitza- eta orientazio-zerbitzuaren bidez, baita inbertitzaileekin eta enpresekin lotura-lanak eginez ere, modu horretara ETE horien berrikuntza-proiektuak bultzatzeko eta merkatura ahalik eta azkarren iristeko.

Programa horretan sartzea zaila izan arren, ez da ezinezkoa; izan ere, 102 euskal ETEk lortu dute jada. Hala, azeleratzaile horretara proiektuak arrakastaz nola aurkeztu azaltzeko helburuarekin, "EIC Europako Berrikuntza Azeleratzailea. ETE berritzaileentzako finantzaketa" webinarra egin da uztailaren 14an. Innobasque-Berrikuntzaren Euskal Agentziak, Spri Taldeak eta Beazek (Basque Enterprise Europe Network elkargoko kideak) antolatu dute jardunaldia, Industriaren Garapen Teknologikorako Zentroaren (CDTI) laguntzarekin.

Bi ETE horiek Europako Batzordearen programa horren laguntza jaso dute jada, Horizon 2020 Esparru Programa horren baitan. Biek ala biek beren esperientziaren berri eman dute, eta azeleratzailean sartu ahal izateko zer oztoko gainditu behar izan dituzten azaldu dute.

Azeleratzailea, aurreko "ETE Tresna" programaren oinordekoa, arriskuak hartu dituzten ahalmen handiko proiektuak bultzatzeko tresna bat da, enpresa txiki eta ertain horiek produktu berritzaileak, zerbitzu eta negozio-eredu berriak eraman ahal izan ditzaten merkatura. Berrikuntza eta I+G bultzatzeko Horizon 2020 Europako esparru-programaren tresna izarretako bat da, eta halaxe izango da Horizon Europe programa berriaren baitan ere. Europar Batasunaren 2021-2027 aldirako etorkizuneko esparru-programa horrek 100.000 milioi euro inguruko aurrekontua izango du. Programak EBko zientzia eta teknologia indartuko ditu funtsezko zenbait esparrutan (osasuna, biztanleriaren zahartzea, segurtasuna, kutsadura eta klima-aldaketa) dauden mundu mailako erronka nagusiei aurre egiteko. Webinar horretan hurrengo Horizon Europe esparru-programaren berrikuntzak ere aurreratu dira.

(informazio +)



> **Gipuzkoako SmartCompo enpresak 2020ko Europako Ingurumenaren Sarietako bat irabazi du, azpiproduktu organikoen balorizazioan berrituz**

SmartCompo konpainia gaztea konposta egiteko ekipoetan espezializatuta dago. Ekipo horiek eraginkortasun handiagoz aprobetxatzen dituzte bio-hondakinak eta produktu organikoak, eta, aldi berean, ingurumen-inpaktua murrizten da. Berau da Japonian fabrikatutako makineria hori Europa hegoaldean banatzen duen enpresa bakarra.

SmartCompo enpresaren gailuak konpostagailu industrialak dira, eta ia edozein azpi-produktu organiko prozesatzen dute: abeltzaintzako bio-hondakinak, araztegi-tako lohiak, elikaduraren industriako hondakinak, e.a. Sistemak azkarrago gauzatzen du konposta egiteko prozesua, hondakin kutsagarri gutxiago isurtzen ditu tratamenduan zehar, eta kalitate handiko ongarri organiko bat lortzen du.

"Ekipo hauek asko zabaltzen dira Asian, baina unitate gutxi daude Europan" azaldu du Ariane Inzak, konpainiaren teknikari komertzialak. Makina horiek hainbat abantaila dituzte orain arteko sistemekin alderatuta. Hala, ingurumenean eragiten den inpaktua murrizten da, ez dutelako lixibiatutako sortzen (partikula kutsagarriak daramatzaten hondakin likidoak) eta gasak bio-iragazkiz osatutako sistema batekin tratatzen direlako, isuriak eta usainak ezabatuz.

"Makina hauek konposta egiteko prozesua azkartzen dute eta lan-eskuaren kostuak eta espazioaren erabilera murrizten dute, diseinu bertikala dutelako" dio Ariane Inzak, "gainera, produktuaren kalitatea merkatuko estandarren gainetik dago, oso ongi eusten baitie materialen nutrienteei". Diseinu konpaktuari esker, ekipo hauek hondakinak sortzen diren tokian bertan jar daitezke, gastuak eta garraioaren ingurumen-inpaktua saihestuz.

SmartCompo enpresak 2020ko Europako Ingurumen Saria irabazi du Euskadiren atalean, Garapen Jasangarrirako Prozesuen kategorian. Europako Batzordeak lideratzen eta Euskadin Ihobek koordinatzen dituen garaikur hauen helburua da aitortza egitea enpresek industria eko-eraginkorrerantzko bidean egiten duten lanari.

(informazio +)



> **UPV/EHU minbiziaren aurka lanean ari da EuCanImage proiektuan, big data eta adimen artifizialezkoan, Europako Batzordearekin, EBko eta AEBetako 20 bazkideren eskutik**

EuCanImage ikerketa akademikoaren, osasunaren eta teknologia digitalen arloko agenteek osatutako ekimen bat da, zeinaren helburua baita aurrera egitea diagnostiko onkologikoan, Big Data-k eta adimen artifizialak eskaintzen dituzten aukerak baliatuz. Europar Batasunak 10 milioi euroekin finantzatu du proiektua, eta Europa eta Estatu Batuetako 20 bazkide parte-hartzaile dauzka.

EuCanImage ekimenaren helburua da plataforma digital bat eraikitzea eta bertan eskala handian biltzea 25.000tik gora pazienteren tumoreen irudiak eta minbiziarekin lotutako informazioa jasotzen duten datu-baseak. Datu-base handi horiek adimen artifizialeko tresnekin aztertuko dira, horrela posible izango delarik aurrera egitea minbiziari buruzko ikerketan eta baita ere diagnostikoak hobetzea, gibelako lesio txikiak eta, besteak beste, kolon eta ondesteko minbiziaren metastasia detektatuko direlako.

UPV/EHU partzuergoko kide da, eta ekimenean parte hartuko du Zuzenbide eta Giza Genomako Katedrako Ikerketa Taldearen bitartez. Bere zeregina izango da plataformaren inplikazio etikoak eta legalak aztertzea. "Gure lana da bermatzea datuak konfidentziasunez, segurtasunez eta Europako zein nazio desberdinetako legeriek eskatzen dituzten baldintza guztiak betez tratatzen direla" azaldu du Pilar Nicolásek UPV/EHUko Zuzenbide eta Giza Genomako Katedrako ikertzaile eta irakasleak, "eta gure ardura da subjektuak (izan euren datuak ematen dituztenak, izan ikerketan parte hartzen dutenak) beti babestuta egotea irizpide etiko eta legalen arabera".

EuCanImage plataforma federatu, seguru eta eskalagarri bat izango da, adimen artifizialaren eta datu kopuru handien analisiaren potentziala bultzatuko duena, aurrera egiteko onkologiaren esparruan. Proiektuak abantaila garrantzitsu bat ekarriko du, hobetu egingo baita minbizi mota desberdinen diagnostikoa. Halere, partzuergoak espero du aukera berriak ere sortuko dituela osasun arloko produktu berritzaileak garatzeko. UPV/EHUko Ikerketa Taldeak osasun arloko teknologia hauen erabilpen etikoari buruzko ezagutza berria ere zabalduko du. "Gure helburua da subjektuen babesari buruzko baliozko emaitzak sortzea adimen artifiziala bezain berritzaileak diren arloetan".

Bartzelonako Unibertsitateak zuzentzen du EuCanImage proiektua eta 20 parte-hartzaile daude partzuergoan, besteak beste, ikerketa zentroak, unibertsitateak, enpresa teknologikoak eta osasun arretako zentroak. Ikerketa urrian hasiko da eta 4 urteko iraupena izango du.

(informazio +)



> **GameLabsNet digitalizazioaren aldeko sare berria sortu da, Gipuzkoan kokatutako GAIA eta AFM klusterrekin, Interreg SUDOE arku atlantikoko mugaz gaindiko lankidetzaren eta EGEF-aren eskutik**

GameLabsNet enpresen eraldaketa digitalean esperimendatuko duten erakundeen sare berria da. Interreg Sudoe programak finantzatzen du, Eskualde Garapenerako Europako Funtsaren (EGEF) bidez, eta kide gisa parte hartzen dute Euskadiko Ezagutza eta Teknologia Aplikatuak Industriaren Elkarteak (GAIA), Logistika Espainiako Zentroak (CEL), Portugalgo Leiriako Institutu Politeknikoak eta Frantziako erakunde batzuk: Pabeko Industria eta Merkataritza Ganberak, Jean François Champollion Unibertsitateko Institutu Nazionalak, eta ESTIA Teknologia Industrial Aurreratuaren Goi Eskolak.

Landuko dituzten teknologia motek "Serious Games" deiturikoekin dute zerikusia; bideojokoekin puntu komunak dituzte. Errealitate areagotua, birtuala edo mistoa; murgiltze-teknologiak; industria-monitorizazioa; biki digitalak, simulagailuak, logistika-plataforma gamifikatuak...

Sareak teknologia horien Erakusketa-Gune eredu bat sortuko du, Espainiak, Frantziak eta Portugalek partekatua, BasquegameLAB Bilboko bideo-jokoaren laborategiaren ereduari jarraituz. Online praktiken katalogo bat ere bai garatuko da, eta dinamismoa sortuko da hainbat informazio-eta lankidetzaren-ekimenekin.

Elkarrekin konektatutako 6 "lab" sortuko dira: logistika, osasuna, merkataritza, turismoa, aeroespaziala eta orotariko industriakoa.

CONETIC Informazioaren, Komunikazioaren eta Elektronikaren Teknologien Espainiako Konfederazioarekin, industriaren eta IKTen arteko ekosistema bateratu bat sustatzen saiatuko da, startup-ak, ETEak eta beste batzuk barne.

Gipuzkoan, hain zuzen ere, GAIA eta AFM, Makina Erremintaren Fabrikatzaileen Elkartearen arteko loturarekin lortzen da hori; biek dituzte egoitzak Donostian.

(informazio +)



> Basque Culinary Centerrek eta Aztik Europako elikagai-startupek sustapena ematen ari dira "EIT FAN"ekin, Europako Ikerketa Institutuaren elikadura-adarraren sare bizkortzailearekin

Uztaila eta urria bitartean izaten ari da lehiaketa. Europako 60 elikadura-enpresa gazte eta berritzaile lehiatuko dira, eta 100.000 euroko saria jasoko dute hiru enpresa nabarmenenek, bai eta merkatuko kontakutetarako sarbide pribilegiatua ere, partehartzaile guztien gastuetarako 15.000 euroko abiapuntuaz gain.

EIT Food partzuergoa EITtik edo Europako Ikerketa Institututik dator. Bere FAN (Food Accelerator Network) sarea Europa mailan startup-ak sendotzeko programa berritzailea da.

414 hautagaitzak 51 herrialdeetatik iritsi dira eta 6 egoitzatan lehiatuko dira (10 bakoitzean), Bilbon, Munichen, Lausanan, Cambridgen, Haifan (Israel) eta Helsinkin. Lehen aukera gisa gehien eskatu zena Bilbo izan zen, 92 eskaerarekin; izan ere, Bilbo EIT Fooden egoitza da Hegoaldeko Europan.

"Lehiatzen" diren bitartean, sektoreko adituen prestakuntza jasoko dute, hala nola BCC eta Azti, euren egoitzetan sortu dituzten garapenak kontrastatuko dituzte, elkarren artean elkarlanean arituko dira, eta euren proiektuak bezero eta inbertitzaileekin kontrastatuko dituzte. Hasiera batean, jarduera online egingo da, osasun-egoerak besterik baimentzen duen arte.

(informazio +)



> MTak, Mondragon Unibertsitatetik sortutako "Talde Akademiak", ekintzailtzako nazioarteko 13 laborategi ditu dagoeneko, eta Europako Gradu Ofizialak garatzen ditu, hala nola LEINN sormen- eta kultura-sektorerako

Mondragon Unibertsitateko enpresagintza Fakultatetik abiatuta, 2008an sortu zen Mondragón Team Academy (MTA), hasieran Fakultateko Berrikuntza eta Ekintzailtza unitatea zena, eta sare globalizatu bihurtu da, 13 "laborategi" edo nodo desberdinetatik graduondokoak eskaintzen dituena; 3 Euskadin, beste 3 Estatuan, eta baita Berlinen, hala nola beste batzuk Amerikan eta Asian. MTA, ikasle ohien eta sortu dituzten enpresen partehartzea duten sarea da gaur egun.

Graduondoko berria, Berlingo MTA laborategiak bultzatu du uda honetan eta LEINN du izena, lidergoa eta ekintzailtza berritzailearen esannahiarekin, eta KSletan (kultura eta sormenaren industrietan) oinarritzen delako. MTak sektore horretako bi euskal enpresa arrakastatsurekin garatzen du: TZBZ (Tazebaez) eta Last Tour, BBK Live jaialdiak antolatzen dituen enpresa.

LEINN kontzeptua ikaskuntza praktikoan eta elkarlanean oinarritutako finlandiar metodologia batetik dator; izan ere, MTA Finlandiako antzeko partner baten inspirazioarekin sortu zen.

Graduondokoa berritzailea eta espezializatua da, profil zehatz berriak behar dituen sektore bati zuzendua. 4 urte irauten du eta nazioarteko egonaldiak egingo ditu MTA laborategietan, besteak beste.

(informazio +)



> Ikerlan eta Laulagun dira gipuzkoar partaide Horizon 2020 Europako Interesting proiektuan, turbina eoliken osagai kritikoei buruzkoan

Aipatutako teknologia-zentroaz eta enpresaz gain, Euskadiko ordezkariak Energia Klusterrarekin osatzen da. Proiektuaren izen osoa "Turbina eoliken osagai kritikoetarako saiakera berritzaileen metodoak" da. Europako Batzordearen ikerketa eta berrikuntzarako Horizon 2020 programak Europako beste erakunde batzuekin osatzen duten partzuergoa finantzatzen du.

2020ko urtarrilean hasitako proiektuak proba-banku eraginkorrak bilatzen ditu, kostu txikiagokoak, osagai horientzat; saiakuntza fisikoak eta birtualak uztartzen ditu.

Inninterestingek energia berriztagarrietako Europaren lidergoa indartu nahi du, potentzia-ahalmen handiagoa lortzeko eta merkaturatze-denbora bizkortzeko. Ekimenaren helburua, saiakuntza fisikoekin eta horiek dakartzaten kostu eta azpiegiturekin amaitzeaz gain, ingurumen-inpaktuak eta inpaktu ekonomikoak murriztea eta ondorioak beste osagai eta sektore batzuetara eraman ahal izatea da.

(informazio +)



DOKUMENTU INTERESGARRIAK

> Euroeskualdeak, Eusko Jaurlaritzako ordezkartzaren bidez, muga-itxieraren eraginari buruzko azterketaren xehetasun gehiago eman zituen

Mugaz gaindiko langileen %70i gogor eragin dio mugaren itxierak. Itxialdiaren bitartean muga zeharkatzeko baimena izan arren, mugaz gaindiko langileei itxierak gogor eragin die Euroeskualdeak ekainean egindako txostenaren arabera.

Frantziar eta espainiar estatuen arteko muga ekainaren 21ean ireki zen, pandemia geldiarazteko hiru hilabeteko itxialdiaren ondoren. Aldi horretan, mugan kontrol zorrotzak ezarri ziren, mugaz gaindiko langileek soilik igaro zitzaketenak. Hasiera batean ezinbesteko zerbitzuek baino ezin zuten muga zeharkatu.

Hala ere, mugaz gaindiko langileen %67,5a oso kaltetuta edo zeharo kaltetuta azaldu da mugaren itxierarengatik, Akitania-Berria Euskadi Nafarroa Euroeskualdeak ekainean egindako txostenaren arabera. Analisia online galdetegi baten bidez burutu da, hiru lurraldeetako mugaldeko 2.400 pertsonen inkesta hori bete dutelarik.

Inkesta egin dioten %31,5a mugaz gaindiko langilea da. Horietatik, %27,5ak merkataritza, ostalaritza eta turismoari lotutako jardueretan lan egiten du, eta %14,6ak zerbitzu profesionalean.

Euroeskualdearen txostenak mugaz gaindiko herritarren bizimoduarekiko eraginari buruzko datu argigarri batzuk ezagutarazi ditu. Inkesta egin dioten hiru pertsonatik bi (%66,9) erabat edo oso kaltetuta azaldu da mugaren itxiera dela eta. Hamar pertsonatik bederatzik jarduera sozioekonomikoren bat egiteari utzi diote, mugaren itxieraren ondorioz. Inkesta bete duten %56ak muga gutxienez astean behin zeharkatzen du, eta horietatik %15,8ak asteko egun guztietan edo ia guztietan igarotzen du. Mugaz gaindiko lurraldeen arteko joan-etorrien arrazoi nagusia sozioekonomikoa da (%68,4), besteak beste: erosketak egiteko (%79,1), arrazoi pertsonalak direla medio, bigarren etxebizitzara joateko edo lagun eta senideak bisitatzeko (%59,7), kirola eta aisialdi jarduerak egiteko (%49,9), edo kultur-ekintzak burutzeko (%39,2).

Mugaz gaindiko lankidetzak ezinbestekotzat edo oso garrantzitsutzat jo du inkesta egin dioten %83,8ak. Horrez gain, lautik hiruk uste dute mugaz gaindiko jarduera ekonomikoa uztartzea halabeharrezkoa dela, eta %47,9k kirol-, kultur- eta jarduera sozialak sustatu behar direla deritzo.



Mugaz gaindiko langileak enplegatzen dituzten enpresen erdiak baino gehiagok ohiz kanpoko neurriak hartu dituela aditzera eman du txostenak, denak ala denak COVID-19aren eraginari lotuak: telelana, aldi baterako lan-erregulazioak, jardunaldi murrizketak, baita kaleratzeak ere.

Inkestaren bitartez, langile eta enpresek zailtasunak izan dituzte neurriok abian jartzeko, eta bereziki hiru ezaugarriei dagokienez: aldi baterako lan-erregulazioen eskabideen trataeran, finantzaketen lorpenean eta jardueraren berriz hastean.

Datu horien arabera, Euroeskualdeak hainbat akzio zein neurri proposatu ditu, mugaz gaindiko lankidetzaren testuinguruan, mugaz gaindiko pertsonen bizimoduan mugaren itxierak izan duen eragina murrizte aldera.

Azpirarratzekoa da inkesta erantzun duten langileen ia %60ak garrantzitsutzat jo duela enpleguarekin zerikusia duten izapideekin kolektiboa laguntzea, eta %46,7ak beharrezkotzat jo du mugaz gaindiko lana bultzatzeko egitasmoen sustapena. Azkenik, %91ak dio mugaz gaindiko lankidetzaren behar-beharrezkoa edo oso garrantzitsua dela langileen egoera profesionala hobetzeko.

Mugaren itxierak abian dituen proiektu ugari eta bazkideen arteko harremanei zein neurritan eragin dien ezagutzeko txostenari atal bat eskaini dio Euroeskualdeak. Aipagarria da azken bost urteetan, Euroeskualdeak bere jardueren, proiektuen eta Akitania-Berria, Euskadi eta Nafarroa lurraldeen arteko lankidetzaren emendatze nabarmen bat ezagutu duela arlo-sorta zeharo ezberdinetan: formakuntza, enplegua, kultura, berrikuntza, ikerketa, mugikortasuna eta garraioa, kirola, laborantza, etab.

Hiru lurraldeetan lan egiten duten partaide edota erakunde publiko zein pribatuaren kopurua handituz doa, eta euren arteko lankidetzaren etengabe emendatzen ari da.

Zentzu horretan, Euroeskualdeko proiektuetako bazkideek adierazi dute hiru proiektutik bat baino gehiago (%37,8) kaltetua edo oso kaltetua izan dela COVID-19aren ondorioz. Era berean, Euroeskualdeko proiektuen %91,9k mugaz gaindiko lankidetzaren ezinbestekotzat edo oso garrantzitsutzat jo du, pandemiak euren proiektuengan izan duen eragina ahalbeste murrizte aldera.

(informazio+ - txostena)

(informazio+ - albistea)



- > **CIT Astigarraga- Oiartzun Garraio Zentro Integralaren Europako balorazioari buruzko dokumentazioa eta ekonomia azkar abian jartzeko funtsezko beste 140 garraio-proiektuetakoa**

(*informazio+ - albistea*)

(*informazio+ - txostena*)

- > **Batzordeak lehiakortasun jasangarrirako, gizarte-ekitaterako eta erresilientziarako Europako Gaitasunen Agenda aurkeztu du**

(*informazio+ - albistea*)



EUROPAKO DEIALDIAK

> EIC Europako Berrikuntza Bizkortzailea

- EIC: Horizon 2020 berrikuntza eta I+G programaren / Europako Berrikuntza Kontseiluaren tresna.
 - ETE tresnaren oinardekoa
 - 81 euskal enpresa onuradun, 39 M €, 2014tik
- Onuradunak: berrikuntza disruptiboko ETEak
- Helburua: merkaturatze azkarra.
- Aukerak:
 - Finantziarioa
 - Lehen mailako aholkularitza
 - Inbertitzaileekiko loturak
- Jardunaldi birtuala (webinarra)
 - Antolatzaileak: Innobasque, SPRI, BEAZ (Basque Enterprise Europe Network Partzuergoa)
 - Laguntzaileak: CDTI eta onuradun ohiak
 - Horizon 2021-2027 buruzko informazioa

[\(Informazio+\)](#)

> Hizkuntza gutxituen profesionalentzako eta komunikabideentzako laguntzak

- Antolatzailea: Europako Batzordea
- Proiektu pilotua
- Onuradunak: profesionalak eta komunikabideak
- Jarduera motak:
 - Lankidetzaproiektuak
 - Sareak sortzea eta garatzea eta koordinazioa
 - Jardunbide egokien trukeak
 - Hirugarrenentzako finantza-laguntza
 - Prestakuntzakoak, praktika egonaldiak
 - Sentsibilizazioa, zabalkundea, jardunaldiak
- Aurrekontua: 0,7 M €

[\(Informazio+\)](#)



> Flandria eta Galesekiko lankidetza-proiektu teknikoetarako laguntzak

- Eusko Jaurilaritza, Kanpo Harremanetarako Idazkaritza Nagusia
- Helburua: itun eta lankidetza berriak, alde biko akordioak garatzeko atzerriko Bazkide Estrategikoen Sarearekin.
- Onuradunak: EAEko pertsona juridiko pribatuak.
- Proiektua eskualde horietako bazkideekin.
- Gaiak:
 - I+G+b, industria, teknologia, lehiakortasuna, nekazal eta elikagai sektorea, aukera ekonomikoak
 - Ingurumena eta klima: teknologiak, urak, hondakinak, material berriak
 - Energiak, berriztagarriak, itsasokoak
 - Garraioa eta azpiegiturak, mugikortasuna, trenak
 - Hezkuntza, prestakuntza, lan-merkatua, LH, produktibitatea
 - Estrategia, politika eta administrazioa: zergena, aurrekontuena, publikoa eta ekonomikoa
 - Osasuna, osasun-balioak, zaintza kronikoak, politika eta gizarte-laguntza, zahartzea, genero-berdintasuna
 - Hizkuntza-politika, kultura, sormena - Bakea, giza eskubideak, kultura-aniztasuna eta tolerantzia
 - Eskualdeen Europa
- Zuzkidura, guztira: 40.000 €, 5.000 €-raino proiektuko

(Informazio+)

> Akitania-Berria Euskadi Nafarroa Euroeskualdea: 2021-2027 Plan Estrategikoaren lizitazioa

- Planaren garapenerako zehazpen oinarriak
- Plan "errealista eta egituratzailea".
- Ekintzen zuzentzea
- Mugaz gaindiko lankidetza areagotzea
- AMPA (Akitania Berriko) web orriaren bidezko eskaintza aurkezpen telematikoa,

(Info+, tramitazioa)



> Hiri-sareak 2020 – 2. erronda. Europako Batzordea, EACEA: Hezkuntza, Ikus-entzunezko eta Kultura arloko Agentzia Exekutiboa

- Esparrua: herritarren Europa 2020 Programa
- Udalerrien sareak sortzea
- Jardunbide egokien trukea
- 4 ekitaldi edo gehiago proiektu/sare bakoitzeko.
- Xedeko tokiko agenteak identifikatzea
- Ekitaldi bakoitzaren egoitza den herrialdetik kanpoko parte-hartzaileen % 30 edo gehiago
- 150.000 euro (gehienez) proiektu bakoitzeko
- Onuradunak: udalerriak edo horien sareak/taldeak.
- Jatorria: gutxienez 4 herrialde, gutxienez 2 EBkoak
- Ekitaldiak hainbat herrialdetan.
- Proiektuaren gehieneko iraupena: 24 hilabete.

(Informazio+)

> EBko eskualdeen elkarteak, Covid-19aren aurkako berrikuntzetarako

- Europako Batzordearen deialdia
- Ekologia, digitalizazio eta Covid-19 ondorengo trantsizioen aukeretzarako
- Eraginpeko sektoreen erresilientzia
- Merkaturatzea eta inbertsioa
- Onuradunak:
 - Eskualdeetako agintarien nazioz gaindiko elkarteak
 - Bestelakoak: ikerketa-erakundeak, ETEak eta haien elkarteak
- Arlo tematikoak:
 - Medikuntza Covid-19ren aurka
 - Osasun arloko ekonomia zirkularra
 - Turismo jasangarria eta bere digitalizazioa
 - Hidrogenoarekiko ordezkatzeari (eskualde "karbono-intentsiboetan").
- Aurrekontua, guztira: 400.000 € (EGEF)
- 100.000 € arte elkarte bakoitzeko
- 100.000 eurorainoko aparteko merkataritza-aholkularitza
- Elkarteentzako aholkularitza aditua EBko finantzaketari buruz

(Informazio+)



> Europako Elkartasun Kidegoa, 2020

- 3. deialdia EEKaren 2018-20 erregelamendua eta 2020ko gida oinarri hartuta.
- Ekintza hautagaiak:
 - o Boluntariotzako proiektuak
 - o Lehentasun handiko hainbat eremu.
 - o Praktika- eta enplegu-aldiak
 - o Elkartasun-proiektuak
 - o Kalitate-zigiluak (eperik gabe).
- Onuradunak: EGABen erregistratuta dauden mota guztietako erakundeak eta gazteak
- Aurreikusitako aurrekontua: 117,6 M €

(Informazio+ –2020 Gida)

(Informazio+ - Deialdia)

> Ikertzaileak Europako Ikerketa Kontseiluaren Kontseilu Zientifikorako

- CEI/ERC erakundearen gobernantza-organoa.
- Hautaketa-batzordea: independentea, Europako Batzordeak sortua.
- Epea: 2020.09.30 arte.
- Erakunde nagusiei egindako kontsultekin osatutako deialdia
- Karguen hasiera: 2021, Horizon Europe Esparru Programa berriarekin.

(Informazio+)



> Akitania-Berria Euskadi Nafarroa Euroeskualdea: ikerketa eta berrikuntza proiektu kudeatzaile baten kontratazioa

- Hautagaiak:
 - funtzionarioak,
 - "konkurtsua ukan berri dutenak",
 - kontratupekoak
- Egoitza: Hendaia

(Informazio+, eginkizunak)

(Informazio+, kontaktua)

"EUROPAKO FUNTSAK GIPUZKOAN" webgunea